



OLNAXTALÁB ABAL IN TSINATALÁBIL AN KÁW/EXPIDH AN EXBADH KÁW

An pulik atáj exobintaláb Intercultural ti Tampots'ots' xi k'wajat ti bél Mariano Arista num. 925, ti Barrio Tequisquiapan, C. P. 78230, ti Tampots'ots', Tampots'ots', Labtom, (444)8-13-80-70, jolataláb jutaj tin kwa'al an atáj dhayom olnaxtaláb, anits jayej an correo electrónico transparencia@uicslp.edu.mx, jolataláb jutaj ti an atikláb xi kin yejenchij in wit'al kin konoy ka pidhan, ka tsáb kaldhanchin, ka ts'ejkanchin max jun jant'oj yab alwa' in kwa'al, kin tejwa'medha abal yab in walkal ka biynanchin, ka tejwa'medhanchin o kin uluw max yab in kulbetnal jant'odh ti ne'ets ka eyendhá an mudhél an káw abal ka exlornáj jún i atikláb ti ál an úw tejwa'medhomtaláb; jaxtamits, pél a uchbíl ka exla' janey tam olnaxtaláb ti ko'onchal an pulik atáj exobintaláb; ka konoy abal kit Ítmedhanchin a olnaxtalábil, kit pakunchat a olnaxtalábil o ka konoy abal yabáts a le' kit eyendhanchin, anits jayej ka uluw abal yabáts a biynal a k'ij abal kit eyendhanchin. Patal an mudhél an káw abal ka exlornáj jún i atikláb xi i kwa'al, ne'ets ki beletna', ki k'wajba' ani ki eyendha' ti ál an pilchik buk'lantaláb abal an mudhél an káw abal ka exlornáj jún i atikláb xi in kwa'al an pulik atáj exobintaláb xi in bij Intercultural xi ti Tampots'ots' (UICSLP), expidhk'ij ne'ets ka eyan jant'odh tin walka' tam tin biyna an atikláb. An pulik atáj exobintaláb Intercultural ti Tampots'ots', yab in wit'al kin konoy an mudhél an káw abal ka exlornáj jún i atikláb abal ka t'ajan k'e'at an t'ajnéel max yab abal nixe' ti koniat nixe' xi exlornaxtaláb, jayetséj, yab in wit'al kin eyendha' nixe' xi olnaxtaláb k'al k'e'at i t'ajnéel max yab játs ti konchat an atikláb. Axe' tam káw pél abal ka putuwat k'al an k'ak'nadh káw abal an alwa' t'ojláb, kwal ka t'ajan an alwa' dhayaxtaláb, expidh xi in yejenchal, xi alwa' ani yab wat'kadh. Anits jayej i tejwa'medhal abal patal an olnaxtaláb i wit'al ki tejwa'medha tin ál an Unidades Académicas xi in kwa'al an pulik atáj exobintaláb ani jayetséj ne'ets ka tejwa'medhanchin an éyalchik, an pilchik atáj eyaltaláb xi kin yejenchij abal ka alwa' éyan tin yanel an olnaxtaláb kom jaxtamits ti koniatchik. Jant'okits ti ka eyan an olnaxtaláb in yejenchal abal an atikláb kin biyna in k'ij ani yab i wit'al ki pidha' jitakits xi kin konoy max an atikláb o an atikláb k'al xi k'aniab kin uluw abal yab in le' o yab in walkal.

An káw k'wajat aknidh k'al an uchbidh káw jún, óx, tin pejmach II, tsáb, pejmach III, jún inik k'al jún, jún inik k'al óx, jún inik k'al akak, jún inik k'al búk, jún inik k'al waxik, óx inik k'al akak ani óx inik k'al waxik xi ti uchbidh ts'ekantaláb xi in k'anial i uchbíl abal in beletnaxtalábil an mudhél an káw abal ka exlornáj jún i atikláb xi u ko'onchab k'al an atájchik xi uchbidh abal kin konoychij, xi tejwa'medhá ti úw buk'lom olnaxtaláb xi in ts'ejkalchik an éyalchik ti Tampots'ots' ti jún inik k'al akak in ajumtal a enero ti tamub 2017, junax k'al an uchbidh káw óx, in pejmach I, 20, pejmach III, 22, 34, 36, 37,38, 39,40,41, 42, 43, 97, 100 ani 101 xi tál ti uchbidh ts'ekantaláb xi in k'anial i uchbíl abal ku beletnanchin an mudhél an káw abal ka

exlornáj jún i atikláb xi ti Tampots'ots', xi tejwa'medhá ti úw buk'lom olnaxtaláb xi in kaldhal an éyalchik ti Tampots'ots' ti lajúj waxik in ajumtal a julio ti tamub 2017; jaxtamits, yab walkadh ka biyná an olnomtaláb an atiklábchik xi ít biynamej max wa'ats jún jita' kin konoy, expidh max an atikláb kin uluw abal in walkal ka buk'lanchik, o max anits kin konoy an k'anix atikláb o max anits in abatnál an uchbidh káw jún inik k'al lájuj tsáb ani óx inik k'al lájuj xi ti dhuchadh úw ts'ejkantáláb xi in k'anial in uchbidh ts'ekantaláb xi in k'anial i uchbíl abal ku beletnanchin an mudhél an káw abal ka exlornáj jún i atikláb xi in kwa'al an sujetos obligados ani ti uchbidh káw 98 xi k'wajat ti uchbidh ts'ejkantáláb abal ka k'anial uchbidh ts'ekantaláb xi in k'anial i uchbíl abal ku beletnanchin an mudhél an káw abal ka exlornáj jún i atikláb xi ti bichow Tampots'ots'.